



## YMCA a celebra su logronan y su compromiso pa futuro

ORANJESTAD - Diabierna ultimo un celebracion special na YMCA na Dakota a tuma luga, caminda hunta directiva hunto cu empleadonan, boluntarionan, invitadonan y e miembronan di YMCA a celebra e echo cu 60 aña pasa YMCA a cuminsa cu su actividadnan pa prome biaha riba nos isla.

E organisacion a crece y ta gosa di un bon reputacion como facilidad pa organisa actividad, por haci huiswerk, tra'i merdia, Y's kids, y asina por sigui menciona. Anochi tin weganan di basketball, volleyball. Hende-



Riba su mes e anochi a bay sublime. Presente tabata Su Excelencia Gobernador di Aruba, Fredi Refunjol, Minister Paul Croes y tambe Parlamentarionan, kendenan a sa di bin hunto pa celebra e 60 añanan di YMCA.

YMCA ta un organisacion cu ta pone mucha, famia y e comunidad central. Como YMCA ta bin cu proyectonan nobo pa asina mantene hobennan riba un bon caminda, pa guia nan pa bira lider den comunidad mañan. Ta purba di mas hopi posibel "speel in" riba problemanan cu tin den comunidad, pa asina bin cu proyectonan cu ta relevante tambe pa e personanan.



YMCA ta nifica hopi. Por mira esey na e presencia diabierna y e cantidad di hendenan cu ta haya na e proyecto di Y's care, na e campamentonan cu tin y e PEP program, cual ta un programa hopi popular cu semper ta conta cu un participacion halto. Young Men's Christian Association (YMCA) ta funda dia 6 di juni 1844 dor di George Williams na London, Inglatera. Su oficina principal ta na Geneve, na Suisa. Mas di 57 miyon hende ta beneficia di e asociacion estableci den 125 pais rond mundo. E lema principal di e organisacion internacional ta podera hendenan hoben.

Bob Steele a funda YMCA Aruba 60 aña pasa dor di e necesidad pa bin cu un luga pa hobennan pa evita cu nan lo ta riba caya. YMCA tin como meta pa crea personanan util y habil den nos comunidad pa medio di brinda guia y motivacion, pa asina nan ta un influencia positivo ariba nan contemporaneonan.

nan ta hopi activo den e deportenan aki y ta spera pa keda asina.

Rachel Croes, kende ta e director nobo di YMCA, ta hopi contento cu e logronan di e organisacion den e ultimo 6 decadan di existencia. E preparacion a dura largo y a purba di haci nan best pa invita cada persona cu a nifica hopi pa YMCA, pa por pensa miembronan di antes di YMCA, e miembronan di Y's Care y e diferente proyectonan. Tin hende cu a traha den funcion eyan, tin e boluntarionan y diferente organisacion cu a nifica hopi pa YMCA.

